



47529/A  
34. G. VI Soc





25022.683

25/6/80




















SUCCINCTA COMMEN-  
TATIO  
DE  
PESTE  
ET  
FEBRIBUS PE-  
STILENTIALIBUS  
PRÆSERVANDIS  
AC CURANDIS.

D. HENRICI SCRETÆ  
SCHOTNOVII à ZAVORZIZ,  
Medici quondam Scaphusiensium  
præstandissimi,

*quam,*

ob insignem, quâ referta est, eruditionem,

PRÆFATIONE

adauctam, luci publicæ asseruit

JOHANNES FRIDER. TREFURTH  
Med. D. & Practicus Dresdensis.

---

DRESDÆ.

Samptibus JOH. CHRISTOPH. ZIMMERMANNI,  
Typis Joh. Christ. Schmidii,  
M DCC X.



25022


DEO.

SALUTIS. NOSTRÆ. STATORI.  
ET.

PROXIMO.

SANITATIS. SUÆ. CULTORI.

SACRA, ESTO, ET. UTILIS.



# PRÆFATIO.

LECTOR BENEVOLE,

**Q**Uam bono publico erogatam  
vides, succincta isthæc de Peste  
præservanda & curanda Com-  
mentatio, ex cimeliis est pretio-  
fissimis viri supra laudem nostram posi-  
ti D. HENRICI SCRETÆ à Zavorziz,  
qvi elogio πολυισάτης Franckii à Francke-  
nau, Medicus fuit Scaphusiensium acu-  
tissimus & πολυγλώττατος, itidemq; eli-  
matis scriptis famigeratissimus. Equi-  
dem pauca sunt, quæ publicam lucem  
viderunt, Scretæ nostri meletemata,  
nostras saltem oras haud attegerunt,  
præter enim Tractatum de Febre castr.  
maligna vulgatâ & Latinâ editum, Ob-  
servationes quasdam Misc. A N C. inser-  
tas, Libellum itidem Gv. ten Rhynede  
Hotontottis, Promontorii Bonæ Spei in-  
colis, quem noster cum notulis accura-

vit, & Medicamenta Scretiana, aliquotque ejus Curationes à Clar. Ros. Lintilio in Misc. Med. evulgatas, vix aliud quidpiam typis publicis expressum videre nobis contigit. Plurima autem in manuscriptis hinc inde latent, Observationes scilicet de Febribus malignis, aliæque miscellanæ, nec non Noctes hybernæ in Dispensatorium Augustanum, Pyretographia, Universa Praxis medica, &c. in Præfatione Tract. de Febr. castr. commemoratæ, quarum evulgandarum consilio B. Autor immortalus est. Nec tamen ideo omnino perierunt foetus ejus elegantissimi; sed eadem ratione, qua plurimi nati sunt, id est privatim, hinc inde sanctè asservantur. Qvod enim solet fieri, ut philiatrī, tyrocinio in academiis posito, studiis suis quasi coronidem imponi exoptent, dum Practicum unum, vel alterum, ingenio & felicitate conspicuum sectantur, ejusq; fidâ ad Praxin manu-ductione utuntur; illâ ipsâ intentione Clar. Autor noster à diversis Medicinæ cultoribus, optimæ spei juvenibus, subinde stipatus est, quibus cogitata sua vel

jam



jam exarata benevole describenda dedit, vel extemplo in calamus dictitavit. E quorum numero ipsi dilectissimus quondam fuit Vir celeberrimus, & meritis medicis Saxoniae nostrae, ac suae Württembergiae notissimus, D. D. Joh. Georg. Gmelinus, cujus favore, ac consiliis in Praxi quondam profuturis, non secus, ac ille prius Scretianis, ego ipse postmodum gavissus, gratū id, jam quoque post fata ejus, agnosco, nec minus, occasione sic data, publice deprædico & exosculor Sieboldi, Drexleri, Lipsiensium, & dehinc Westphali Delitienensis, doctissimorum exercitatissimorumque Practicorum mihi faventissimorum, meritoque; hinc, quousque vivam, suspiciendorum, præstitam mihi benevolentiam in manu ductione fidelissima. Obtinui ergo tunc temporis à Gmelino, Fautore mei amantissimo, inter alia rariora, e.g. Wepferiana, aliquot Scretiana quoque schediasmata, nominatim: Medicamenta & Curationes quasdam, integram Commentationem de Febris, cujus particula est præsens de Peste hæc, & Chirurgiam succinctam medicam. Memi-

ni & Compendium Materiæ medicæ Ludovicianæ â Scretâ tabellis inclusum penes illum vidisse, sed in tantariorum scriptorum farragine illud neglexisse me jam pœnitet, â Nobiliss. tamen Filio Ejus primogenito, paternarum virtutum & gloriæ in aula Württembergicâ hærede, discipulo t. t. meo in philologia & philosophia mirè docili, fortè repetundum, Praxin medicam integram in manuscripto quondam vidi apud DD. Ruyffum, eâdem intentione tunc penes B. Gmelinum mecum aliquandiu commorantem. Noctes hybernas in Augustanam quod attinet, illas, quamvis mancas, ex communicatione Raderi se accepisse gloriatur Rothius in elegantissimo libello nuper edito: Pharmacia portatilis, p. 55. videndus. Quod ergo liberum fuit Clariss. Rosino Lentilio, Scretiana quædam in scriniis Hillerianis reperta publicæ utilitati exhibere, hoc & mihi fortasse liberum erit, imò & turbulento hoc statu probitas eò compellere me possit, ut ceu bonus civis commodo publico studendo, ingeniosissimum hoc, consiliisque & cau-

cautionibus politico-medicis haud vulgaribus refertum schediasma in medium proferam, quod fortè, sub benedictione divina, præ multis aliis evulgatis libellis, medicis judiciosi, sanitatis humanæ directoribus, profuturum confido. Nec diffiteor, rem gratam philiatris me facturum, utpote quibus Scretiana inter desiderata sunt, postquam deliciarum harum insignem appetitum editione laudatorum arcanorum his excitavit Lentilius, imo lubentissimè Viro Clarissimo assurgo, optanti, ut ejus vestigiis, ad promovendam hominum salutem, & piè defunctorum famam perpetuandam, plures, penes quos istiusmodi schediasmata delitescunt, insisterent! uti in Miscell. suorum Præfatione loqui, pro candore, quo gaudet, amat.

Etenim, ut nec Jupiter quidem placet omnibus, sic & Screti noster, licet optimè de re medica meritis, censorem suum invenit Italum Georgium Baglivum, virum præcoci ingenio, doctrinâ, experiendi & observandi dexterritate cæteroquin nemini secundum, in



hoc tamen, quod in viro solertissimo mirum est, nimis præcipitem, ut adeo *ὡς πορῶν* potuerit, ut Doctissimo Scretæ affricet hypothesein quandam & mendendi methodum, quam absolute sic nunquam is statuit, imò, si viveret adhucdum, certè tam absurda sibi imputari erubesceret. Verba Censoris in Praxi sua p. 101. sic leguntur: *Henricus Scretæ Dioclis sententiam oblivione ferè consepultam excitans, febres omnes ab inflammatione viscerum deducit, & cum inflammatio obstructionem tubulorum, sive, ut ait, impeditum sanguinis circuitum, præsupponat, idcirco damnatis phlebotomiâ, purgatione, aliisque nimium sanguinis ardorem deprimentibus, sive refrigerantibus remediis, curationem illarum omnium instituit per medicamenta dissolventia, spirituo-  
sa, alcalia, volatilia, & hisce analoga.* Hisce Baglivus insurgit Scretæ nostro, jurene, an injuria? sigillatim censuram hanc examinantes mox videbimus: 1.) Illi hypothesein imputat: quæ omnes febres ab inflammatione viscerum deducat. Sed ubinam pronun-

ciavit tale quid de febribus omnibus? Malignarū quidem causam formalem, seu potius effectum, in inflammatione viscerum collocavit Autor noster perspicacissimus, eò adductus, & convictus experientiis ab anatomia practica, & ratiociniis ex phænomenis quamplurimis malignis solennibus, depromptis, uti ex pag. 26. 44. 54. apparet. In simplicibus vero continuis aut nullam p. 59. aut cum Weptero p. 57. leviolem saltem, faciliusq; quàm in malignis dissipabilem inflammationem, ceu effectum, admittit. Verba, quæ p. 59. in medium profert, illum satis explicabunt, & hæc sunt: *Affectus hic [ Febris castrensis maligna ] quem hic tractare suscepimus, à mitioribus continentibus in hoc differt, quod in illa corpus plurimis adhuc crudis corruptisque humoribus, aliisve sordibus, à læsa concoctione provenientihus, scateat, quæ hic illic hærentes minima vascula obstruunt, ac inflammationes excitant; cum ex adverso NB. continentes simplices sanguini transiunt, propter vires præsentis, ac minorem liquidorum lentorem, NB. absq; inflamma-*

*tione, post brevem vel mediocrem sudorem, concedant; sic nec intermittentibus inflammationem attribuit. Ejus autem de Febribus hypothesis longè est alia, & p. 23. 42. & 43. evidenter exposita, breviter eò rediens: Omnes Febres præsupponere sangvinis aut lymphæ stagnationem circa extrema arteriarum oscula, glandulasque aut tubulos excreantes, eamque vel propter lymphæ cruditatem, crassitiem aut lentorem, sive à calida, sive frigida causa excitetur: vel à sangvine in grumos concrecente, vel etiam à constrictione glandularum, tubulorū ac arteriarum, circa extrema oscula forinsecus à spinâ venenifera, aut sale acido resoluto motus spasticos cientibus, productam, magis vero minusve, febrili commotione exortâ, dissipabilem, facilius scilicet in intermittentibus, continuisque benignis &c. difficilioribus, ubi non saltem inflammationes, sed & nisi hæc mox dissipari valeant, gangrænam & sphacelum, humorumque resolutionem & putredinem, ac mortem post se relinquant, uti p. 24.*

se.



sequentividerere est. Ecquid vero dici potuisset venustius, naturæq; rei convenientius? Nec curiosa minus est illius Febrium in IV. Classes distinctio, continuarum sc. benignarum, intermittentium, malignarum & hecticarum, quam à p. 43. ad 64. usq; consideratius legisse poenitebit neminem. Jam vero suspicari liceat, quid lynceo aliàs Baglivo præstrinxerit oculos? Certè nil aliud, nisi præcipitantia, & cursoria libelli lectio, quâ præconceptus nec hujus contextum, & forte offendicula ejus maxima, paginam nempe 231. 232. 236. & 267. nec ipsum titulum curatius adspexit. Titulus est: de Febre castrensi maligna, seu Mollium corporis humani partium inflammatione. Quam igitur sententiam de inflammatione partium mollium in malignis fovit Autor, hanc Baglivus illum in omnibus aliis febribus absolutè sic statuere, falso, in negligentiore illo tractatus transitu, præsupposuit. Hic effectus est fugitivi, ceu canis ex Nilo aquam lambentis, oculi! Diluamus jam porro ineptam illi imputatam Medendi methodum,

dum, & 1.) quidem Venæsectionis neglectum. At enim verò absolute illam non damnat, sed distingvendum ait inter subjecta, indolem & tempus morbi, & evidenter p. 232. 265. 266. 267. se explicat. Nec 2) Purgationes omnimodo rejicit, sed fortiores saltem, retentis, si opus esset, mitioribus, præsertim pyrotechniæ suavioribus, tutioribus ac certioribus vid. 267. seq. Nec 3) ipsa Vomitoria in primo statim principio, si verè indicentur v. p. 271. 233. 4) Ardorem nimium deprimentia ubi vis ut damnet, volatilia vero unice commendet, hoc tantum abest, ut ex omnibus fere paginis & formulis contrarium obtineat, & singula suo tempore cum judicio discretivo exhibet, nunc enim, & rectè quidem, excitantia in motu depresso & statu mgais maligno, & in lymphæ ab acido seu causa frigida coagulata adhibet, quæ cautelæ p. 23. 262. & 282. prostant, nunc vero in statu magis æstuante, ichoroso, resolutorio motum deprimentia seu refrigerantia, & imprimis acida, aliaque figentia, ad venenum ligandum dilaudat, prout.

prout hoc clarè constare Cenfori potuisset, si saltem in paginam 242. inter evolvendū incidisset, totq; formulas ex analepticis frigidis, acidis, nitrosis, terreis, diluentib9 aq̄vosis contextas, curiosè alexipharmacis volatilioribus interponendas, ubiqve attendendo, non absque causa has proflare cogitasset. Tandem ad hanc de Peste Commentationem provoco, ex qua ad ravim usque constabit, quanti refrigerantia temperata expertissimus Scretæ noster faciat, & infrâ exscribenda illius verba ipsissima rem nostram satis, ut puto, asserent ac tuebuntur, & optimo Scretæ à Baglivo factam fuisse injuriam, evictura sunt. Omnes humani quid patimur, cur nec Baglivus etiam? cū & bonus quandoque dormitet Homerus.

Sed satis de his! Immorabimur tamen, cum venia Lectoris Benevoli, Quæstioni hac occasione in medium prolatae paulò diutius; spinosissimæ quidem, attamen necessariae: Quid de Volatiliū in continuis usu statuendum



endum sit? Torſit hæc ingenia Practicorum verſatiſſima, uſqve dum à ſeculi dimidio cœptum eſt accuratiorem morborũ conſignare hiſtoriam, diverſa illorum, pro rerum naturalium ac non naturalium, diverſitate phænomena ac ſymptomata curioſe attendere, hiſqve medendi methodum cum judicio diſtinctivo accommodare. Docuit enim experientia, & latere hoc curioſitatem Doctorem noſtrorum Dreſdenſium, Conſilium antipeſtilentiale anno 1680. elaborantium, uti inibi §. 4. videre eſt, non potuit: febrium epidemiarum typum non ſolum pro anni tempeſtate, ſed & illarum conſtitutione æquali vel inæquali, humidâ vel ſiccâ &c. proqve temperamentis ſubjectorum, ſangvineorum, cholericorum, phlegmaticorum & melancholicorum, ut et pro diætæ diverſitate, variare, ita quidem, ut vel in diſtinctis anni conſtitutionibus, vel in una eademqve, penes tamen individua temperamentis vel diætâ diſcrepantia, nunc exhibeat ſymptomata motus magis deficientis, nunc vero magis efferati: ibi vix percipitur ſitis, nec

nec æstus, sed omnia potius langvent,  
& syncope, lipothymia, pulsus maximè  
debilis, sensus hebetes & torpidi, ac so-  
por perpetuo animadvertuntur, & jux-  
ta Scretam, acidum quoddam lym-  
pham coagulans, & spiritus figens indi-  
catur, vel, si cum Chymicis facias, ve-  
nenum quoddam napellinum; hinc ve-  
ro effectus sunt plane contrarii, æstus  
summus, fitis clamosa, capitis dolores  
maximi, deliria, vigilæ, diarrhœæ, hæ-  
morrhagiæ, convulsiones, adeoque in-  
dicia miasmatis cujusdam dissolutivi,  
(venenum arsenicale, ac sulphur realga-  
rinum appellant Chymici) se exserunt.  
Prolixius diversa hæc symptomata re-  
censet Jüngkenius in Praxi sua p. 437.  
438. & 421. Hanc ergo constitutio-  
nem & temperamentorum differenti-  
am fortè non rectè attendentes Willi-  
sius & Sylvius, ille sangvinis & feri  
coagulationem, hic dissolutionem ni-  
miam in malignis statuens, sibi con-  
trariantur quidem, facile tamen con-  
ciliabiles, cum diversa anni constitu-  
tione, & in diversis subjectis, sangvis  
venâ emissus nunc nil, nisi crustam  
cor

coreaceam, sanguineo colore plane exutam exhibuerit, nunc vero plane coccineus, & à nexu suo dissolutus apparuerit, ita quidem, ut non amplius coire, vel coagulari valuerit, vid. Ettmüllerus in Praxi T. II. 377. a 380. b. & Jüngkenius l. c. Constitutiones vero annorum, imo & ipsa individua, epidemiarum symptomata variare, hoc sagacissimus Observator Sydenhamius in Morbor. Historia C. 2. p. m. 43. ducit, & non solum prælaudati modo Dresdenses in antipestilentiali consilio §. 4. & 7. sed & alii historiam medicam consignantes, e. g. sedulo indagator Naturæ Jodacus Lommius in Observat. Medicinal Tit. de Febr. pestil. p. m. 34. diversa symptomata in una eademque peste enarrantes, sc. nunc soporosa magis, nunc efferata & æstuantia, omni nos scrupulo liberant. His itaque phænomenis necessario se accommodare debent judiciosi Practici, & hinc cum diversam morborum causam formalem, tum medendi methodum eruere, rectè hoc judiciosissimo Sydenhamio nobis

bis



bis l. c. inculcante, quando inquit : *Hæc tam aperta prædictorum morborum diversitas, propriis ac peculiaribus symptomatibus ab illis discrepans, medendi etiam rationem ab illis prorsus disparem sibi vendicat &c.* & quâ methodo currente anno egrotos liberaveris, ipsâ, anno jam veniente forsitan è medio tolles &c. Proxima quidem causa omnium febrium, benignarum & malignarum, in miasmate quodam febrili sanguinis mixturam seu systasin turbante, vel magis minusve destruyente, videtur consistere, *ita quidem, ut in benignis miasma illud sit benignius, hincq; facilius ex massa sanguinea, sudore mediante; proscribi possit, ac subjugabile sit; in malignis vero illud ipsum existat malignius, terminos naturæ excedat, calidi innati, seri & sanguinis vincula, nexum & proportionem magis violenter resolvat & destruat, ut subsistere vix possint, sed periculum subeant destructionis, juxta Clariss. Wedelium Path p. 28. verbo: ad putredinem ruant, & conforinant huic sententiæ se omnes fere Neoterici, e.g. Doctissimus Ettmüllerus T. II.*

p. 376. a. & Medicorum par nobilissimum, Medicinæ incremento natum, famigeratissimus Fr. Hoffmannus & G. E. Stahlus, uterq; nobis suspiciendus, in scriptis suis exasciatissimis, omnia naturæ convenientiùs expendentes. Quomodo vero miasma hoc, siue figens sit, siue dissolvens, systasin tandem sanguinis relaxare & destruere possit, in hoc problemate solvendo tum Scretanus p. 23. tum Wedelius Fac. M. M. 164. 165. &c. AM. Mat. Med. p. 324. ut & Jungkenius in Praxi p. 421. ingenium suum comprobarunt. Proportio enim requiritur inter partes sanguinem constituentes, sanguinem nempe  $\alpha\lambda\gamma\epsilon\chi\omega\nu$ , seu sulphur ejus; & serum, ita quidem, ut sulphur decenter explicetur ac sero temperetur. Quod si ergo sulphur nimis explicatur & effervescit, exsiccatur serum, partes inflammantur &c. Quod si vero serum coagulatur, figitur & sulphur sanguinis, spiritusque hinc generantur torpidi, & motus putredinosus, utut lentior, exsurgit, sicq; nexus non minus destruitur. Recte hinc Wedelius, ut supra jam innui,

ma-

malignitatis causam formalem in texturæ sanguinis vel turbatione vel destructione, à maligno miasmate exortâ collocat, & hinc duplicem malignitatis effectum, ichorescentiam & coagulationem de Fac. Med. 164. & Amœnit. 326. 329. asserit. Hisce præmissis omnium Alexipharmacorum & Bezoardiarum operatio videtur in hoc versari cardine, ut miasma destructorium, seu venenum figatur, temperetur, & concentretur, & quantocyus ex massa sanguinea proscribatur & 2) sanguinis & feri vinculum sartum tutumq; conservetur, & cum ichorescentia, tum coagulatio feri præveniantur, effectus periculosissimi ac destructorii. Profluxerunt indicationes hæ ex Chymicorum laboratoriis & ingeniis, phænomenis tamen pathologicis optime quadrant, hincqve ab Ettmüllero II. 383. a. 1473. a Scretâ l. c. 234. Hoffmanno Patre in Meth. Med. p. 51. 140. & Bechero in Phys. subterr. L. I. S. V. c. I. n. 13. sq. defenduntur. Sed illas ipsas in effectum deducere, hoc opus, hoc labor est quia contraindicantes sunt, vix enim sine



comotione sangvinis excludes morbo-  
sum seminiū, & hæc vero vel paulò vio-  
lentior vinculum posset dissolvere. Sed  
varia Practici excogitarunt media &  
cautelas, quibus hæc contraindicantia  
conciliare possimus, & hic obtinet ada-  
gium: Medio tutissimus ibis, verbo:  
volatilia moderanda fixis sunt. Sunt  
autem ex recensione toties citati We-  
delii Bezoardica vel *magis primaria*,  
partes oleosas sulphureas tutantia, ne  
vapescant, & seminium malignum ex-  
cludentia, *eaque tum intendendo & ve-*  
*getando sulphur*, nempe *balsamica sul-*  
*phurea*, amara, aromatica, oleosa, ange-  
lica, carlina, camphora, *vel balsamica sa-*  
*lina*, *volatilia & mixta*, spir. C. C. eboris,  
Tinct. bezoard. & pl. *tum sulphur concen-*  
*trando*, acida inprimis & alia. *Secundaria*  
vero magis *effectum* respiciunt, *vel disso-*  
*lutoriū*, *vel coagulatorium*, hunc ne pro-  
gressum faciat, tempestive impredientia:  
*ichorescentiā impediunt* adstringentia,  
austeriuscula, mucilaginosā, terrea ab-  
sorbentia, & fermentū resolutivum præ-  
cipitantia, nec non acida, opiata &c. *Coa-*  
*gulum feri dissolvunt* salina nitrofa, vo-  
latilia

latilia urinosa, Mercurialia, cinnabarina. Hæc omnia dicuntur Bezoardica, utut diversissime, deq; his Wedelius dicit: *Promiscuus usus non convenit, sed prout distincta sunt in volatilia, media & fixa, nunc in hac morbi constitutione, in his vel illis subjectis, his vel illis temporibus morbi, hæc vel illa magis in usum sunt trahenda.* Id quod prolixè diducit Vir Celeberrimus in Facult. p. 165. seq. Amœn. p. 231. & imprimis 334. quò, ne tædio simus, L.B. remittimus. Ut tamen Wedeliana illustremus exemplaris instar in medium prodeat Ludoviciana Methodus, fidelissimè exposita quæ in Pharm. Edit. Goth. in 120. p. 218. ita legitur: *In malignis, præmissis universalibus si opus est (raro tamen requiruntur) cura felicissime absolvetur, si malum primo per Mixturem simplicem solitariam, aut (in vomitu symptomatico) guttis aliquot tincturæ anodynæ fortificatam, vel etiam per spiritum C.C. ac consimiles volatiles infringatur; residuum una alterâve pulveris bezoardici (qui tamen etiam in mitiorum nonnullorum, initis per se, aut diversimodè exaltatus*

*sufficiet) dosi subigatur : ac tandem circa  
 statum corallinis, cancrinisve (cum & si-  
 ne cornu cervi philosophicè calcinato))  
 quasi absorbeatur ; interpositis, pro cir-  
 cumstantiarum ratione, contra siticulo-  
 sitatem quidem, vel solo spiritu salis,  
 clyssso aut rore minerali (in potu) vel  
 etiam ipso nitro, (si vomitus ac diarrhœa  
 absit) in anxietatibus vero illis malignis,  
 etiam circa statum nonnunquam repul-  
 lulantibus, tertiâ vel subquadrapla  
 tantum, non completâ (ne nimis commo-  
 veat) repetitâ tamen, si opus fuerit, Mix-  
 turæ simplicis, aut spiritus volatilis, ve-  
 etiam electuarii alexipharmaci dosi: im-  
 nauseis demum, diarrhœis excessivis, vi-  
 gilis, inquietudinibus nimis &c. Lau-  
 dari (quovis modo obnupti, vel aliis as-  
 sociati. ) grano præterpropter, ante  
 & post statum urgente necessitate, uti  
 perquam proficuo, ita tutissimo; si mor-  
 do Ungaricas exquisitas, opiata, circa  
 statum (interferventia deliria) vis-  
 commodè vel impune, melius autem in  
 declinatione demum, si necessarium fue-  
 rit, admittentes, excipimus. Metho-  
 dum etiam Scretianam, si paucis hanc*



complexam videre ames, ex manu-  
scripto de Febribus huc excerptam ha-  
be, non minus elegantem: *In Curatio-  
ne, inquit, Hungaricarum, & omnium  
malignarum, ubi constat expulso celeri  
& frequenti massam sanguineam nimis  
esse attenuatam ac discerptam, sive id  
ortum sit ab effervescentia putredinem  
inducente, vel abusu calidorum attenu-  
antium, non negligantur NB. acido-car-  
diaca, quibus massa sanguinea iterum  
tonum & consistentiam acquirit, alias  
solis diaphoreticis & alexipharmacis al-  
calinis & aromaticis, sulphureisq; ægrum  
adhuc in pejorem statum poneret. Con-  
stat enim sales volatiles, tam urinosos,  
quàm aromaticos, diutius in hisce febr-  
ibus usurpatos adhuc majus incendium  
accersere, unde spiritus omninò profligantur,  
& massa sanguinea majorem in-  
de colliquationem patitur, quæ tamen  
usu acidorum evitari possunt, uti de Febr.  
castr. p. 242, dictum est, Accidit vero in-  
terdum, ut naturâ ferè succumbente, eē  
tempore coagula circa cor, vel corpora  
pituitosa, deficientem vel intermitten-  
tem pulsum efficiant, quo animadverso*

*Medicus audacter volatilibus urinosi*  
*coagula resolvat, quemadmodum in*  
*tractatu nostro citato Sect. 3. c. 3. p. 262.*  
*& Sect. 3. c. 2. p. 236. notas dedimus,*  
 Videas ex his obiter, quam immerito  
 à Baglivo vapulet Scretæ expertissimæ.  
 Plures cautelas circa Bezoardica reli-  
 qverunt nobis Ettmüllerus T. II. p. 343.  
 b. 384. a seqq. Ludovici in Pharmacia  
 p. 261. 263. 283. 293. Jungkenius in Praxi  
 431. 432. 437. 438. 441. Fr. Hoffman-  
 nus Meth. Med. p. 51. 140. 205. & qui  
 cæteris glaciem in vera malignarum  
 curatione, Ludovico & jam nomina-  
 to Hoffmanno testibus, fregit, Andre-  
 as Cnœfeliu*s* *Methodo medendi fibres*  
*epidemicas & pestilentiales*, utut hic  
 Paracelso & Helmontio multum de-  
 beat. Hæcque circa volatilia & fixa  
 consideratio non solum in epidemicis  
 malignis locum obtinet, sed & maxi-  
 mè malignis & pestilentialibus. Et fal-  
 luntur certe, qui in quacunque pesti-  
 lentiali constitutione, posthabitis omni-  
 bus alexipharmacis aromaticis, the-  
 riacalibus, & volatilibus, camphoratis  
 &c. solis Pulveribus bezoardicis præ-  
 cipi-

27  
cipitantibus nitratis, & medicamine  
quodam solari, vixq; admissâ Tinctu-  
râ bezoardicâ, omne punctum absolve-  
re constituunt. Exercitatissimus Ludo-  
vici aurem his vellicat, qui in malignis  
neq; Pulveribus solis neq; ipsis solaribus  
fidendum esse offerit, sive pulveres hi  
sint antimoniales Pharm. p. 259. 325. 328.  
& de Sale vol. Tart. 88. sive sint ani-  
males, viperini, 297. ipse lapis bezoar  
239. 296. 297. 124. 161. sive & sint muli-  
ercularum evporiston, cardui benedi-  
cti nempe pulvis, qui in paulo mali-  
gnioribus nimis est languidus, v. p. 250.  
de solaribus vero conferatur p. 358. 359.  
228. 328. 364. Acclamat his expertus  
Wedelius Fac. Med. p. 164. *Præcipi-  
tantia, ut Cornucervi ustum, unicornu  
fossile, lapis bezoar orientalis & occiden-  
talis, non peculiari alexipharmacâ vir-  
tute, sed absorbendi & disjiciendi gau-  
dent, unde iisdem non absolutè semper  
fidendum est, quorsum & cautelas p. 166.  
pertinet, & ipsum Scretam quoq; in libel-  
lo hoc suum monitorem experientur.*  
Volatilia hinc in peste præterita 1680.  
suum fecisse officium, B. Petermannus.



Professor Lipsiensis, in amolienda hac, unâ cum aliis Medicis præstantissimis tunc occupatissimus, pro Collegio nobis hoc sancte affirmavit. Incidit præterea discursus de Peste tunc grassante aliquando cum Viro famigeratissimo, Archiatro nostræ Reginæ expertissimo & judiciosissimo, Dno. D. Zapfio Fautore meo singulari, habitus, qui asseverabat, se tunc observasse volatili-um usum satis commodum, hincque cum successu adhibuisse liqorem suum bezoardicum cum spiritu Martis maritatum, & absq; quidem camphora, ubi se magis æstus, ichorescentia, & effervatio motus exeruerit, camphoratū vero, ubi sopor & torpor se admiscuerit. Notissimum est Oleum pestilentielle Heinsii, ex oleo succini, citri, & ex camphorâ confectum, ob quod illi Respublica Veronensis statuum triumphalem, uti ex Ettmüllero, T.I. p. 699. a. addiscimus, posuit, quod certè factum non esset, nisi in contagiorum quodam genere calida & volatilia alexipharmaca judiciosè applicata conferre possent. Conferatur præterea Mœbius in *Anatome Camphoræ*

*phoræ* p. 53. ubi tanta de Camphorâ in peste encomia, ut quædam fere hyperbolen sapiant. Prostat etiam in laudatissimo Dresdensi Consilio Lit. M. Essentia volatilis egregia, in virium imbecillitate, anxietate, statu soporoso, sudoris defectu seu difficultate, (minus vero in statu magis æstuante,) ceu maximè proficua futura commendata, Titulo von der Cur der Pest/und in dem absonderlichen Bericht von den curirenden Arzeneien / Lit. M. Audiamus saltem adhuc semel illustrem Wedelium: *Observatum est, inquit, volatilia urinosa in principio pestis sume fuisse proficua (in illis scilicet casibus, ubi ob viscidius serum nullus sudor aliis medicamentis obtineri potest) & mediam quasi Tincturam bezoardicam, seu acidis refractis gaudentem, seu volatilem urinofam, fecisse strenuè officium, nec minus cinnabarina reliquis interpolata, ut Mercurialia taceamus, Mercurius enim diaphoreticus, cujus præparationem ipse Paracelsus & Heknontius docent, non minimum in peste præstat. &c. At vero, quemadmodum posita hac indicatione,*

*seu*

seu hoc intuitu sudorem aliàs difficulter mobilem excitare cum successu licet ; ita ad ichorescentiam vel rarefactionem nimiam inclinante massa sanguineâ, volatilia cinnabarina & Mercurialia hæcce tantum abest ut conveniant, & convulsiones abigant, ut potius sudores adaugeant, & nimios reddant, ultra spheram efferatis & diffatis humoribus. A volatilibus tamen non plane abstinendum monet ab initio morbi, nimiumq; non verereri calorem, quippe qui productum saltem miasmatis maligni sit, brevi compefcendum, modo id peregrinum motum excitans sit exclusum, nisi calor ab initio statim nimium quantum sit efferus, (tristi quidem cum prognosi, quia rarefactio intensa, hincq; pulsus frequens statim in malignarum initio, plerumq; funestum quid sunt p. 336) nec agrotantes sint infantes aut gravida, ubi temperatis & cordialibus insistendum, àq; floribus sulphuris, multo magis vero theriacâ, spiritibus urinosis &c. sibi temperandum est, neq; hæmorrhagias patiantur, ubi mediâ inter hæc Tinctura bezoardica, cui anodyna hanc ob causam commodè maritentur, admitti possit, vid. p. 336. Extra hos casus volatilia ma-



gis heroica primo hosti opponenda, fixiora interpolenda. Mox enim præmissis volatilibus inde vel tollitur morbus, vel mitigatur, vel symptomata ab obsessione foci vitalis orta, anxietas, respiratio difficilis, retrocessio bubonum, & exanthematum præceduntur. Dato vero hoc stimulo, freno hinc moderamur archeum, ut non ultra, quam par est, efferatus, resistere queat. Fixiora autem reliquorum sunt subsidia, ut quies concedatur nature, quâ interruptâ facile fatiscit. Imo hæc absolvunt curationis reliquum. Media & communia sunt acida, fervori, & seminio, ut & sero ipsi tutando, debita. Et ipsa quidem satis sunt efficacia, solis tamen illis principalem expellendi provinciam demandare non æquè licet. Utut enim aliquibus profuisse visa fuerint, potior tamen semper observata est volatilium & quasi talium mediorum efficacia. Con. fl. c. 330. 334. Hæc innuisse circa Bezoardicorum usum in malignis legitimum sufficiat, ita scilicet exclusioni seminii vacandum esse, ne massa sangvineâ nimis resolvatur, & ad putredinem ruat. Præmittenda nempe sunt Alexipharmaca, pro  
statu

statu videlicet magis vel æstuoſo, vel  
 ſoporoso, nunc fixiora, nunc volatilio-  
 ra, & ſudore hinc excitato ( præſertim  
 in peſte ) paulo protractiore ( ſingulis  
 ſex horis in peſte reaſſumendo ) adhi-  
 beantur ſtatim à ſudore ſangvinem  
 concentrantia, cardiaca acidiuſcula, ci-  
 trata, aceta bezoardica, vinum Rhe-  
 nanum, item temperantia ac diluentia,  
 terrea, nitroſa, aquea & alia, prælau-  
 datis jam bezoardicis interpolanda:  
 Quo fine & Theriacalia non niſi cum  
 acetis, vel ſucco citri, propinari ſolent.  
 Illa, quæ methodus à famigeratiſſimis  
 dirarum peſtium, annis 1635. 36. 37. 69.  
 & 1678. 79. Belgium miſerè depopula-  
 tarum, averrumcis, Diemerbroccio,  
 Barbetto, Sylvio & Schachtio, uſu fuit  
 comprobatiſſima: Et inſiſtit huic quo-  
 que allegatum hætenus Conſilium an-  
 tipeſtilentiale Dresdenſium doctiſſi-  
 mum, cui & poſtmodum Obſervatori  
 Dresdenſis Peſtis audaciſſimus, Jacobus  
 Rœſſerus, in *Diff. de Lue Peſtifera Er-  
 furthi 1682. habita*, ſuum adjecit calcu-  
 lum, huncque eodem anno ſecutus  
 Jere-

Jeremias Loffius Prof. Wittenb. in  
*Diss. de Peste sub eo schemate, quo  
nunc incedit*: imo & hæc nostri Au-  
toris de Peste Commentatio illam me-  
dendi rationem commendat, cujus  
certe poenitebit neminem, legisse illam,  
& relegisse multoties, præsertim si huic  
ipsi nuperas binas Excell. Hoffmanni  
de Pestis Origine, Natura & Methodo  
curandi nervosè elaboratas Disserta-  
tiones, & hinc Gedanensium Relatio-  
nes epistolares, præsentis contagii in-  
dolem describentes, ad nos tamen non-  
dum delatas, adjunxerit.

Deo vero, cujus manubus anni  
nostri inscripti sunt, imminetia ejus  
spicula clementissimè à nostris finibus  
avertat, aliasque regiones & urbes ca-  
lamitate hac jam afflictas sanitati resti-  
tuat, gratiâq; suâ abundantissimâ di-  
gnetur! Interim tamen, quia

*Tunc tua res agitur, paries  
cum proximus ardet,*

ego,



ego, cœu Medicus feci, edendo libellum  
hunc ea, quæ debui, potui. Faxit au-  
tem divina misericordia, ad quam pre-  
ces nostras effundimus ardentis si-  
mas, ut tela prævisa minus  
noceant!



SUCCINCTA COMMEN-  
TATIO

DE

PESTE

PRÆSERVANDA

ET CURANDA

D. HENRICI SCRETÆ.



**D**E Peste, extre-  
ma hominum  
calamitate, dif-  
ferenti mihi,  
occurrit ipsum  
nomen, quod  
in utraqve lin-  
gua dirum sa-

*Pestis  
denomi-  
natio.*

tis affectum exprimit, dum apud  
Græcos λοιμός, ὀλέθριον, νόσος ἐπιδή-  
μος, καὶ νόσος ἀπὸ λῶς vocatur. La-  
tinè vero vocatur modo **Lucs e-**  
pidemica, modo Contagium, mo-  
do Pestis, ab antiquo Pefesto, Pe-

**C**

stilen-

stilentia, ab antiquo Poëta Lucretio Libr. VI. de Rerum Natura vocatur Pestilitas. Vocabulum hujus Pestis etymon Græcum est ἀπώγω cado, unde πέσνηα, casus, & hinc πείσσεις latina determinatione Pestis appellata fuit. Licet ipsum nomen hujus Luis ferociam satis exprimat, nihilominus tamen plenior ejus descriptio Medico summè necessaria est.

*Pestis  
descri-  
ptio.*

Est ergo, ut contractius illud definimus, Pestis Morbus epidemicus seu communis, acutissimus, perniciosissimus, ac summè contagiosus, ex veneno in, vel circa homines mediante summa putredine progenito, ac ad summum malignitatis gradum extenso, non solum spiritibus viventibus, sed & toti corporis substantiæ infestissimus, à quo omnes actiones confestim læduntur, ac extremam eclypsin patiuntur. Videtur ergo mihi ipsa Pestis morbo attonito seu apoplexiæ è regione oppositus, & si mechanice



cè utrumq; affectum considerare-  
mus, affirmare licet, in Peste,  
propter summam putredinem o-  
mnium partium, tam fluidarum,  
quam consistentium, resolutio-  
nem extremam fieri, cum ex ad-  
verso in apoplexia, ac ejus socio  
syncope nimirum, harum parti-  
um, imprimis autem fluidarum  
omnimoda congelatio accidat,  
unde motus omnino abolentur,  
qui in Peste pervertuntur ac dis-  
solvuntur. Chirurgus autem  
Pestem partium principalium  
sphacelum appellare posset, & si  
mitius invaderet, gangrænæ no-  
mine veniret.

Duplici ergo modo Pestis a- *Pestis*  
liquam regionem inquinare solet, *histo-*  
vel enim de novo gignitur, vel *ria.*  
per contagium à remotioribus  
locis affertur, cum vel homines  
peste infecti, vel eorum utensilia,  
ubi Pestis grassabatur, aliò trans-  
feruntur, ac sic solo contactu mor-  
bum producere solet. Inprimis  
autem hoc contagium eò facilius  
C 2 lati-

latius serpit, quò magis disposita corpora offendit.

*Pestis*

*Genesis.*

De Genesi ergo diræ hujus-  
luis ut aliquid in medium profe-  
ramus, existimo, concurrere pos-  
se varias & inæqvalet tempesta-  
tes, dum ver tepidum ac omninò  
pluviosum, æstas vero calidissima  
ac sicca, austro prædominante;  
autumnus similiter ultra consue-  
tum tempus calidus ac ficcus, ac  
hyems temperata ac pluviosa  
extiterit, & si ad has causas occa-  
sionales annonæ caritas, belli ca-  
lamitas, ac inde ortæ clades, cum  
aliis vitæ humanæ vitiis accide-  
rint, in plurimis bona tempera-  
menta, pervertuntur, ac magnæ  
cacochymia in corporibus exori-  
untur, ut spiritus facile efflare  
possint, sensim sensimque humo-  
res vitiosi in corporibus congesti  
ope fermentationis in putrorem  
abeunt, unde prius frequenter  
præcedere solent febres malignæ  
diversæ indolis, cum diarrhœis,  
dysenteriiis, aliisque hujusmodi  
affecti-

affectibus, quibus, ni maturè medeatur, in locis, ubi frequentissimus hominum concursus est, tandem ipsa pestis succedit, quæ malignarum febrium summa ac exquisitissima est; quotiescunq; enim pestis exorta est, ex historia compertum est, solummodo maximas civitates ac metropoles huic domicilium præbuisse; qui illam autem in obscuriori aliquo vico exortam fuisse diceret, nullus est. Et cum plerumque huiusmodi violentissimis affectibus homines tunc obnoxii sint, aliis bestis tunc omnino exclusis, sequitur, non tam perversitatem temperamentorum, quàm ipsas animi passiones hîc plurimum conferre, mœror enim ac metus ipsius mortis hîc plurimum valent, quibus quoque & ira suum symbolum affert. Non tamen negarim & bruta peste laborare posse, quæ vero ab hominum peste omnino diversa est, nec unquam hominem hac labe afficit.



nisi prius diu inter bestias habitavit ægrotas, vel de eorum carne infecta comederit, in hisce duobus casibus enim etiam brutorum pestem propagari posse, certò certius est; Sed ex adverso ab hominum peste alia bruta non contaminantur, exceptis solummodo animalibus domesticis, quæ in locis infectis alias tolerantur, ut canes, feles ac aves. De reliquis exempla rariora sunt, ea unquam infecta fuisse. Si ergo successu temporis sæviente peste aër proximè homines ambiens per Eurum aut Aquilonem non ritè purgatus sit, tandem nullus in hac vicinia habitans aliter hac lue securus esse potest, quam primum enim aër in vicinia omnino hoc veneno inquinatus, isque necessario ab omnibus per inspirationem attrahi solet, nil aliud inde sequi poterit, quam subitanea pulmonum gangræna asphacelus. Hinc accuratiores in ædibus suis, ac etiam in ipsis plac

teis, multa flammâ ex quocunq;  
ligno aërem inquinatum purgare  
solent. Alii autem accensione  
sulphuris, pulveris pyrii, aut ni-  
tri, hoc peragunt. Plures ipsum  
chalcantum aut salem commu-  
nem carbonibus inspergunt, ac  
suffimigia excitant. Quidam ace-  
tum lateribus candentibus affun-  
dunt, plures Nicotianæ fumo id  
præstant. Sunt & qui hircum in  
ædibus alunt, ut per illius salem  
volatilem abundanter ex illo spi-  
rantem aëris malignitas infrin-  
gatur, ac temperetur. Hoc et-  
iam notandum est, magnam ho-  
minum stragem ab inhumatis ca-  
daveribus subsequi, quamdiu e-  
nim hæc cadavera vel in ædibus  
servantur, vel in plateas repo-  
nuntur, tamdiu quoq; putridæ  
exhalationes omnem viciniam  
inquinare solent. Ut ergo huic  
obviam eatur, svaderem calce vi-  
va aut aceto, vel in hujus defectu,  
vino cadaver aspergere, aut fumo  
sulphuris lintea, in qua cadaver

involvitur, inficere, ut hoc modo saltem infringatur exhalatio à cadaveribus spirare solita. Ex observationibus constat, si pestis circa autumnum aut circa hyemem locum quendam invaserit, multo majorem stragem edere solere, quam si vere, aut in principio æstatis exorta sit. Tunc enim ipsa habitacula perflari solent ab aëre exteriori ac recenti, in hyeme autem, cum omnia clausa sunt, malignitas eò ferocior est, cum plerumque homines hypocausta calefacta inhabitare soleant. Pariter etiam circa Pleniac Novilunium exacerbescit, eò quod humores tunc quoque magis moveantur, ac ad peregrinam fermentationem perficiendam aptiores reddantur. Prægnantes etiam tempore pestis facile abortiunt, quæ & post abortum ipsâ peste mox inquinantur, & quia ob præcedentem magnam hæmorrhagiam magna virium dejectio sequitur, eò facilius quoque per-



pereunt. Et hi, qui veneri nimium indulgent, peste facile interimuntur ac pereunt, cum in effusione seminis magna spirituum dissipatio subsequatur. Omnes, qui aliis morbis tunc laborant, ipsam quoque pestem experiuntur, eamque funestam ut plurimum. Ex his narratis est colligere, conservationem virium, vel temperamentum robustum, aut integrum animum curisque vacuum ad superandam pestem imprimis prodesse, cum ex adverso timiditas, pusillanimitas, virium dejectio, excretiones nimiae, cachectica ac scorbutica dispositio, cum omni corporis luxurie, pestem mox accersat, & quamprimum quis faciente pestilentiâ aliqualem alterationem animadvertit, absque omni mora alexipharmacum praestantius assumat, & facile postmodum pestem evitabit, si vero diutius quis velit expectare, donec manifestae virium dejectiones adsint, nimis sero tunc auxilium im-

plorabit, cum intra breve tempus,  
vel saltē aliquot horarum spatio,  
ab inflammatione gangræna ac  
sphacelo subsequi possint. Accidit  
sæpius, ut à peste diei naturalis  
spatio intereant, quidam aliquot  
dies supervivant, quod forsan  
pharmacis debent, plerique au-  
tem, cum diem 7. aut 9num supe-  
rarint, evadere solent, modo nul-  
los novos errores tunc commit-  
tant, quemadmodum quoque id  
pluries in febre maligna vidimus,  
ut etiam à leviculo errore passi  
sint recidivam, quam propter  
virium debilitatem superare  
haud valuerunt.

*Signa  
Pestis  
præce-  
dentia.*

Solent etiam quædam signa  
præcedere, unde postea de febre  
pestilenti aut ipsa peste magis  
constat; superius enim indicavi-  
mus, ante exortum pestis quæ su-  
um symbolum conferant, impri-  
mis autem præcedunt variæ ac  
insolitæ tempestates, diversorum  
insectorum copia ab austrina con-  
stitu-

stitutione orta , â quibus simul fructus corrumpuntur , & quia absque discrimine hisce vesci solent homines , pravas inde concoctiones contrahunt , & inde , propter febriles dispositiones , labem aliquam scorbuticam , ac vapescentem sangvinem , variæ febres malignæ , frequentes abortus , dysenteria , cum aliis producuntur. Sunt etiam alii plures viri docti , qui ad pestem producendam magnas planetarum conjunctiones aliquid contribuere volunt , verum cum hæc ratio nimis longè petita sit , huic supersedebim9 , cum aliàs Astrologiæ judicariæ haud multum tribuere soleamus. Observarunt tamen etiam ante imminentem pestem aves ac feras locum mutasse , cum auram pestiferam ob sensus exquisitiores fugerint. Videtur tamen , hæc ratio satis vacillante niti fundamento , eò quod certò certius sit , non omnem aërē in tota illa regione noxium esse,



se, sed solummodo illum, qui vel habitaculis hominum inclusus est, & ædes quam proximè ambit, aliàs vix concipere possem, quomodo reliqua omnia animalia se ab illa aura pestifera tuerentur.

*Signa  
Pestis  
præsen-  
tis.*

Ex signis vero præsentis pestis pathognomonicis, sequentia symptomata præcipua censentur, uti sunt: virium subitaneæ dejectiones, cum vel sine feбри manifesta conjunctæ, totius corporis jactationes, anxietates circa præcordia, ac æstus interiora occupans, quibus quandoque appetitus omnino prostratus, nausea, vomitus ac cardialgiæ, cum siti immodica fere conjunguntur. Adest quoque cephalalgia immensa cum deliriis & terroribus, nonnunquam etiam convulsiones coincidunt, modo nimix vigiliæ, modo & graviores sopores ægrum laceffunt, cum sensuum perturbatione, ita, ut visus turbetur, aures tinniant, lingua amaro

rore ac nigrore inquinetur, his accedit etiam oris ac exhalantis auræ foetor, cum sudore itidem admodum graveolente; pulsus plerumq; vel debilis, vel inæqualis animadvertitur, ita, ut quandoq; syncopen patiantur, tussis quoq; sicca interdum & hæmoptoë se produnt, solent etiam in emunctoriis bubones ac parotides apparere, imò alia exanthemata per cutem disperguntur, ut sunt carbunculi, petechiæ dictæ, ac ulcuscula variolis similia, quotiescunq; autem ex hisce symptomatibus plura simul ægroti corpus occupant, de diro hoc affectu non amplius dubitandum est, imprimis, si jam constet, luem hanc in illo loco grassari. Ejus enim indoles est, ut facile per contagium propagetur, hinc Medicus statim ac de hoc affectu certior redditur, ad alexipharmacum remedium refugium capeffit

*Causæ*1) *physi-  
ce.*2) *mora-  
les.*

Plures hujus affectû numerari solent causæ, quarum aliæ tantum morales, aliæ vero physicæ existunt: Ex physicis autem hîc considerantur eæ, quæ hunc morbum præcedunt, ac illæ, quæ morbum hunc quam proximè producant. Ad causas morales meritò referuntur, ira Dei ter O.M. contra hominum enormia peccata excandescens, ut & ipsa hominum vita perversa: Ex historis enim, & quotidiana experientia constat, tam bella, plurimarum calamitatum matrem, quàm etiam omnes in victu commissos errores, huic morbo ansam præbere, haud neglectis hic reliquis peccatis, ut sunt ira, pauperum ac justorum oppressio, cædes, adulteria, ebrietas, & similia &c. quorum tamen quædam ad physicas pertinent causas, imprimis autem vehementiora animi pathemata non exiguum asferre solent symbolum; quia corpus ad hunc affectum magis sic dispo-



disponitur; *Causa* *proxima,* Causam vero proximam pestilentiae dicimus esse illud venenum animale volatile, quod subito ope fermentationis in alia corpora transfusum, eadem similiter hocce veneno inficere solet. Hoc ergo venenum summè volatile ac acerrimum esse, colligere licet è pernici hujus effectū, eò quod omnia, quaecunque contingit humana corpora, in putrilaginem resolvat, unde & necessario toti9 compagis solutio ac casus sequitur, nisi per debita alexipharmaca vel ejiciatur, vel quocunq; modo absorbeatur, vel involvatur, ne amplius nocere possit. Esse solummodo hoc venenum animale, inde conjicere licet, quod hujusmodi effectus à nullo alio venenorum, sive ex mineralibus, sive è vegetabilibus desumpto, oriatur, & licet quidam alterutro horum enectus sit, nunquam tamen observavimus alios inde per contagium affectos fuisse; iis solummodo exceptis, qui

qui hujusmodi cadavera familiarius tractarunt, & cum animale venenum sit, ut certum est, plerumq; illud vel in ipso homine, vel in locis, ubi plures simul habitant, nec aër frigidus diu collectus facile expurgatur, produci; Raro quidem Brutorum pestis in homines transfertur, nisi ex incuria, aut aliorum malitia horum carnes comederint, à quibus potuerunt facile illo morbo inquinari. Semel igitur ad maturitatem eveccto veneno, istud postea facillimè per contagium in plurima transfertur corpora, & eò majorem stragem edit, quò rumor sese subito magis in plurimorū animos devolvit, & cum semel terrore panico perculsi sint, eò facilius deinde œconomia animalis per hocce venenum omnino perverti posset. Et sicuti in subjecto aliquo particulari phlegmone seu inflammatio facile, nisi præcaveatur, in gangrænam permutatur, quam mox ipse sphaceus excipit;

pit; ita haud absimili modo civitas amplior, tanquam unicum subjectum considerari potest, in qua principium ipsius pestilentiae tolerabile est, in augmento autem brevi tempore se quam latissime diffundit, ut tandem nihil ferè subsidii superfit, quò sævities huius luis compefcatur.

Ex dictis igitur elucescit, *Duplex* duplici modo pestem oriri solere, *exort,* cum nempe vel per solum con- *vel à* tagium propagatur, vel Febri- *conta-* bus malignis in pejorem statum *gio, vel* transmutatio oritur: In locis ve- *à feбри-* ro ubi nullæ febres malignæ audi- *bus ma-* tæ sunt, si pestis sese prodatur, cre- *lignis* dendum est, illam per contagium *exalta-* ortum traxisse, quod contagium *tis.* tunc ceu origo, dein vero in progressu temporis, tanquam causa consideratur. Cum hic contagium tanquam causa habeatur, sequitur etiam inter causas referri posse ipsum aëra, non tamen omnem & in universum sumptum, aliàs, si tota aëris regio

D                      illius



illius loci veneno hocce inquinaretur, omnes, & simul, inficerentur, quia aëre hand carere possumus. Singulis enim momenti per respirationem spiritum, seu auram vitalem, seu, ut Sendivogius vocavit, occultum vitæ cibum attrahimus. Si ergo loco spiritus vitalis venenum attraheremus, necessariò mox teneri nostri pulmones omnes corrumperentur, unde post propagatam veneni fermentationem, totius systematis dissolutio ac ipsa mors subsequeretur; Illum vero aëra, qui in ægrorum habitaculis inclusus est, aut exhalationes ægrorum peste laborantium, aëri commixtas, facilè per contactum vel respirationem ab aliis vicinis attrahimus. Venenum insuper in vestimentis, lectisterniis, linteis aliisque utensilibus pestiferorum latitans, diu suam indolem pestiferam conservat, antequam omnino exhalat, hinc etiam per huiusmodi res ipsa pestis

ftis sæpius in remotiffima loca  
transfertur: quare propicien-  
dum est, ne promiscuè hæc o-  
mnia alibi recipiantur, nisi prius  
vel probè lota, vel suffimigiis aci-  
dis, aut sulphureis diligenter cor-  
recta fiant. Causæ autem feбри-  
um, aliorumque symptomatum  
concurrentium similes esse solent  
iis, qui hujusmodi morbus αἰωλαῖς  
producunt: Nam causæ februm  
in peste eædem sunt, ac aliarum  
malignarum, cruditates nem-  
pe congestæ, ac cacochymia, seu  
stagnatio humorum putridorum.  
Neque etiam symptomata pestis  
aliàs præter venenum hoc lethi-  
ferum ullam agnoscunt causam  
quò enim illud propter summam  
volatilitatem in hanc vel illam  
partem magis infligitur, aut, si  
hujusmodi partes debilitatem  
quandam prius senserint, eò ma-  
gis in illis aliquod symptoma no-  
tabile producit, quemadmo-  
dum etiam hujusmodi accidentia  
in febribus malignis ab aura ve-  
nena;

nenata excitantur; Magis particulatim hæc symptomata recensere hîc supervacaneum est, de quibus tamen omnibus fusius egit Celeberrimus D. D. Diemerbroccius in aureo Tract. de Peste, quem illic videre licet. Nos tamen ea repetemus, cum de Symptomatum cura verba faciemus.

*Prognosis.*

Quæ vero pestis prognosin attinent, ea pleraque in hoc perniciosissimo morbo satis fallacia ac dubia sunt, hoc tamen certum, quo major naturæ robur in hoc morbo animadvertitur, eò melior spes evadendi habeatur, imprimis autem, si pulsus constet, sudor facilis, ac cum euphoria, proliciatur, lingua humida sit, unde conjicere licet, universum lymphæ motum secundum naturam constitutum esse; & quò magis à via recedit, eò quoque majus periculum imminet. Inter salubria quoque signa recensentur bubones subito ad

ma-



maturitatem provenientes, imprimis autem salutem adhuc sperare licet, si tumores cum eorundem ambitu, ut et circuli anthracum ac carbunculorum, rubicundo colore pateant. Ex adverso autem, si vel purpureus, lividus, niger, aut alius color exoticus appareat, nil aliud, quam ipsam mortem præſagire licet, imprimis, si imbecillitas virium, pulsus inæqualitas, ac delirium accedat. Inter excretiones nullæ fere salutares sunt, unde nec vomitus, nec diarrhœa, neque ulla hæmorrhagia, ubicunque exorta sit, spem evadendi pollicetur. Qui vitiosis humoribus abundant, & peste corripuntur, vel qui circa plenilunium ac noviluniumprehenduntur, vix evadere possunt, solet enim tunc venenum pestiferum in venenatis humoribus, in turgescencia circa lunæ phasés, sua spicula altius infigere, ut inde tota massa sanguinea novâ hac fermentatio-

ne inquinetur. Post vehementes animi & corporis motus arrepta pestis homines plerumque jugulat, ut & post magnas evacuationes, imprimis autem post Venerem contracta, perniciofa est. Inter mala quoque signa referuntur virium subitanea prostratio, animi deliquiæ, ac cordis palpitationes, ut et pulsus debilis ac intermittens certam perniciem post se trahit, sopores graves, sternutationes, tremuli motus, convulsiones, deliria, dolores absque tumoribus, foetens anhelitus, respirandi difficultas, dolor lateris punctorius, singultus, ac urinæ peregrino colore infectæ plerumque calamitosa sunt. Quicunque tumores, postquam apparuerint, mox evanescent, certam perniciem præfagiunt, resorpto introrsum veneno. Quibus fonticuli ichorem reddunt laudabilem, iis tantum non imminet periculum; Si vero exsiccantur, aut nigrum ichorem fundant;

dant, lethiferum signum est. Reliqua omnia suo ordine ipse Diemerbroccius Pestis avtoptes fusiustractavit.

Prophylaxis Pestis trifariam consideratur, eaqve est vel Theologica, vel Politica, vel Medica. Ad prophylaxin Theologicam refertur maximè, ut homo sit integer vitæ, scelerisque purus, & si antea peccatis mentem suam inquinavit, verâ poenitentia inductus resipiscat, ne amplius aliquod pondus in conscientia sua restet, morsus enim conscientia ipsum corpus ita affligere solent, ut inde sæpissimè gravissimè morbi oriantur, hos enim mox sequuntur melancholia, cardialgia, ac cordis palpitation, quibus symptomatibus contractis venenum pestiferum quoque se insinuat. Necesse est etiam, ut hi, qui ditiores præ aliis sunt, eleemosynis succurrant egentibus, si enim pauperibus prius succurrant, eò minus quoque il-

*Prophylaxis*

*1) Theologia.*



lis periculum imminet, post magnas enim pauperum strages, magna etiam aëris vicini sequitur corruptio, qui in divitum ædes penetrare potest.

2) *Politica*

Prophylaxis *Politica* in eo præcipue consistit, ne homines, eorundemque utensilia, à pestiferis locis venientes absque discrimine admittantur; Quamobrem Italarum consuetudo hic laudanda est, qui postquam de Peste alicubi grassante certiores redditi sunt, mox omne commercium cum illis prohibere solent, etiam indictâ graviore pœnâ, quemadmodum id jam bonæ eorum Constitutiones satis evincunt; & si ex necessitate cogimur homines, vel aliud supellectile ex loco aliquo infecto admittere, prius omnia suffimigiis ex igne largiore corrigantur, homines autem, in loco eminentiori, ac satis perflabili per aliquot hebdomadas degant, & interim prophylacticis tam internis, quam externis se se muniant,

niant, vestimenta autem, si loturam tolerant, lavent, sin minus, ea sulphure, chalcantho, aut pulvere pyrio cum aceto in massam reducto fumigent, idque sæpius. Et hæc etiam observentur, si mox quis in consortium aliorum recipitur, hoc enim modo sufficienter latens in vestimentis venenum corrigitur, neque abs re foret, si advena è locis pestiferis aceto per totum corpus humectetur; hoc enim acidum optime infringit luxuriam veneni hujus summè volatilis ubiubi in cute hæserit, quemadmodum acidi spiritus è sulphure, nitro & chalcantho ac aceto exhalantes, illud in vestimentis aliisque utensilibus corrigunt seu invertunt; Si vero præter omnem spem civitas quædam peste affectum admiserit, ædesque ejus cognitæ sint, mox ægrum extra urbem in nosodochium deportari jubeant, quem omnes ejusdem familiæ sequantur, quos tamen in alio loco ab

ægro remoto locare convenit, & hoc modo pestem aliâs brevi latius serpentem eliminabis, quemadmodum hâc methodo plures civitates non ita pridem ab hac lue servatæ sunt. Magistratum etiam decet, ut prospiciat, ne carnes animalium ægrotantium, fructus immaturi, fruges corruptæ, vina pendula, aut cerevisia vappida vendantur, cum è corruptis cibis dispositio ad recipiendam pestem in corpore humano confletur, quod dein contactus pestiferus facillimèprehendit, malumque inde latius serpit; Fuga autem sibi consulere remedium omnium optimum est; verum quia ob plurimas rationes non quisque patriam deferere audeat, ideo consulendi sunt & Medici.

Prophylaxis autem Medica

3) *Medica.*

ad avertendum hoc malum *ex triplici fonte* sibi proficua depromit, *ex Diætetico*, nempe, *Pharmaceutico & Chirurgico*. Et cum

Diætæ



Diæta consistat in exacto usu re- *a) Ex*  
rum non naturalium, ideò hîc *Dietæ.*  
omnia observentur, quæ ali-  
às integræ sanitati obtinendæ  
conducunt. Aërem ergo hic eli-  
gamus, si habitaculum concedat,  
qui sit summe temperatus, magis  
tamen ad frigiditatem inclinans,  
cum siccitate conjunctus, quare,  
si, vel Euro vel Borea flante, ven-  
tus cubicula vel habitacula per-  
flat, omnium optimè sic ædes  
purgantur, constat enim experi-  
entiâ Euro & Borea flante, pe-  
stem, ubi aliàs grassabatur, mi-  
tescere, & plerumque cir-  
ca hyemem omninò aboleri; si  
vero in ædibus aër fracidus aut  
alio modo corruptus animadver-  
tatur, ante omnia omnes angu-  
li domus laventur, calce illi-  
nantur, dein è pulvere pyrio,  
nitro, sulphure, chalcantho aut a-  
ceto perpurgentur, vel igne e  
ligno juniperi, abiegno, aut piceo  
conflato fraciditas discutiatur,  
quod interdiu bis ad minimum,  
mane

mane nempe ac vesperi, exerceri debet, dum autem flammam in cubiculis accendas, fenestram unam aut alteram aperies, quam mox à flamma remota iterum claudas. Suffimigia pretiosa hic nihil præstant, licet ab Autoribus ad ravim usque commendentur. Cibus ac potus nullâ excedente noxiâ qualitate peccet, hoc tamen notandum, in condiendo cibo acetum plurimū prodesse, quemadmodum & sal largius cum cibus sumtū. Si enim hæcce duo carniū bestiarum mortuarum putredinem arcere possunt, quin in viventibus eadem præstent, haud dubitandum est. Quare & exulent omnes cibi ac potus, quibilem augment, vel qui durioris concoctionis sunt, omnem tamen luxuriam hîc prohibeo, cum nec crapula, nec repletiones aliæ ad sanitatem tuendam conducant: Ex adverso autem novim⁹ etiam famem ad pestem recipiendam, plurimum tribuere solere. Quare

re Magistratus ac civitates opulentiores largioribus eleemosynis pauperibus succurrere debent, ob rationes supra dictas. Balnea hic omnino noxia sunt, cum glandulas subcutaneas nimium emolliant, earundemq; tubulos laxiores reddant, pròinde facilius postmodum venenum pestiferum in corpus recipere possunt. Quomodo verò vestimenta sint curanda, modo superius indigitavimus, cum eorundem correctiones vel loturâ vel suffimigiis habeantur, Excreta ne modum omnino excedant, & si alvus lubricior reddatur, assumpto uno vel altero pulvere styptico restituatur. In Venerem non sint proni, cum & seminis profusio hic summe noxia sit, eò, quod vires inde debilitantur, conservatio enim virium hic summè necessaria est. Corporis motus non negligantur, quamobrem omnem acediam fugiant, ne vitiosi humores in corpore coacerventur, motus tamen corporis non



non excedant, ne vires inde col-  
labescant. Vigiliæ non protrahan-  
tur, somnus quoque modum non  
excedat, quem tamen effugies, si  
crapulam fugies. Ad satietatem  
non repleri, integrum esse ad la-  
bores, omnino convenit. Impri-  
mis autem animi pathemata hîc  
mediocritatem servant, timorem  
enim, tristitiam ac iram tanquam  
pestem fugito.

3) *Ex*  
*Chirur-*  
*gia.*

*Ex chirurgico* vero fonte:  
V.S hîc denotanda venit, quam  
omninò noxiam esse deprehendi-  
mus, conservatio enim virium  
iterum inculcanda est, quam ve-  
næsectione imminueremus. Si-  
militer ipsæ etiam Cucurbitulæ  
hisce tempestatibus frustra adhi-  
bentur, nisi quis iisdem asvetus-  
sit; verum Fonticulos hîc lau-  
dare debeo: Ex plurimis enim  
observationibus constat, omnes il-  
los, qui ulcere aliquo laborabant,  
à peste immunes fuisse, hinc facta  
ulcuscula eandem forte operam  
præstabunt, ac sordida ulcera, de  
quo

quorum usu diffusius egit Christophorus Schorer, Physicus Memmingensis Tract. de Fonticulis. Licet abusum fonticulorum non probem, tamen hic aliquid emolumenti præstare possunt instar aliorum ulcerum, uti dictum; non tamen sequitur, eos à peste esse immunes, qui fonticulos gestant, nisi simul omnibus obsecundent, quæ commendavimus. Imprimis autem difficile est animi motus temperare, plures tamen timor ac animi pusillanimitas prosternt, quam ipsum venenum pestiferum, videmus enim audaciores (animo nempe, non lingvâ) etiam summa hæc pericula evadere solere, licet nullis prophylacticis hic utantur præter animum fortiolem, cum ex adverso plures jugulentur, qui prophylacticis abundanter usi fuerunt.

Ex *Pharmaceutico* fonte *Ex Pharmacia*  
primum ea rejiciamus, quæ obesse solent. Imprimis autem procul

cularceantur, omnia Purgantia, quocunque nomine comendantur, exceptis Pilulis Ruffi Ephesii, vel earundem supparibus, de Rhabarb de Ammoniaco, aliisque mitioribus: Inde & confici solet Elixyr propr. Quomodo hoc ceu prophylacticum pestis parari debeat, indicavimus in libro de Febr. Castrens. p. 225. Varia quoque antidota prophylactica, tam interna, quam externa habentur. Imprimis autem internè laudatur Acetum antiloimicum seu bezoardicum, p. 225. de quo cochlear mane cum jusculo aut pul- te assumatur, vel de Elixyre antiloimico nostro gtt. xx. usque ad xxx. Præmansum quoque pomum citri insignem opem præstat, imprægnatum est enim acido evstomachico, ac putredinem arcente & aromatico oleoso spiritus reficiente vid. Tract. de Febr. Castr. p. 102. edit. Germ. Lat. 225. Profunt quoque in hunc finem Globuli seu Noduli naribus sæpius ap-



applicati, quorum descript. vide in libell. de Febr. Castr. p. 81. Lat. 192. Bufo exsiccatuſ quoque bonum remedium prophylacticum est, cujus præparationem exhibet Helmontius in Tumulo Pestis, quem vide sis. Succinum etiam pellucidum temporibus, carpis, cordis scrobiculo, ac circa malleolum affricatum ab eodem Helmontio laudatur, si mane ac vesperi instituatur. Suffimigia sæpius instituimus huc non repetenda.

Ut ergo Medici, Chirurghi ac alii, qui necessitate coacti in loco versantur, ubi pestiferi decumbunt, ab hac dira lue securiores sint, & hi certâ vivendi ratione uti debent, quo dirum hunc hostem vel fallere, vel superare possint: Ante omnia ergo opus est, ut corpus â vitiosis humoribus omnino vacuum sit, siue id fiat promissis purgationibus lenioribus, siue exactiori victus ratione institutâ, quamdiu enim aliquod gravamen,

*Præservatio  
Medicis &  
Chirurgis par-  
ticularis.*

men, lassitudinem, cachexiam, aut asthma insuetum in semet-  
ipsis sentiunt, corrigant hos affe-  
ctus necesse est, antequam pesti-  
feros visitent, imprimis autem ne-  
cesse est, ut audaci ac hilari ani-  
mo ad ægros accedant, si enim  
pusillanimitas eosprehenderit,  
mox etiam dirâ hac lue afficeren-  
tur, quam tamen, si interdum  
contingit, facilè poculô hilarita-  
tis vincerent, non tamen svade-  
rem, ut ad ebrietatem usque bi-  
bant, cum omnis repletio ultra  
vires noxia sit. Post labores in-  
terdum requiritur requies, aut  
somnus post meridiem, ut inge-  
sta melius maturentur concoctio-  
ne, nil enim magis nocet sa-  
nitati, quàm motus corporis ni-  
mii post prandium, iis enim cibi  
nondum concocti protruduntur,  
unde cruditates in ipsam chylosin  
abeunt, & convenit ad sanitatem  
conservandam, ut cibi evpepti  
ac evchymi assumantur, ut facili  
labore ad concoctionem produ-  
can-

cantur. Mediocriter tamen corpus saginari opusest; Pro potu inservit vinum non raucidum, non pendulum, sed tenue ac benè defæcatum, hujus enim aciditas bonam massæ sanguineæ consistentiam efficit, cum cerevisia ex adverso bilem augeat, ac sanguinem lubricitet; hinc vinum in peste præ cerevisia eligendum, non tamen negarim, quin cerevisia benè defæcata salubris tunc potus sit, modo sibi caveant â nimia hujus ingurgitatione, quemadmodum id Saxones suo damno experiuntur. Hæc sufficient de iis, quæ ingeruntur.

Quod vero excretiones attinet, Medicus Loimicus prospiciat, ut alvus quotidiè respondeat, imprimis autem advescat matutinis secessibus, nec intermisso hoc naturæ beneficio in publicum prodeat, ac tunc ob verecundiam hunc naturæ conatum officio suo intentus impediat, experientiâ enim constat, haud exclusis excre-

E 2                      men-



mentis, corpus flatibus vehementer infestari, unde mœror ac melancholia absque alia causa excitatur. Svaderem ergo, ut semel vel bis hebdomadatim dosim de pilulis Ruffi sumat, quæ tam corpus laxando, quam etiam à putredine præservando proficuae sunt, vel harum pilularum loco sumat elixyr proprietatis laxativum ad gtt. xxv. xxx. Caveat quoque sibi, ne è domo exeat. jejunos, nisi prius offam, aut jusculum aliquod sumserit, aceto loi-mico, aut alio fragranti imprægnatum. Mihi arrident pultes farinaceæ aceto conditæ, aut offa cum frixis cœpis, quibus ovum forbile adjungatur: Interea tamen profunt citra recentia, zedoaria, angelica, baccæ juniperi, caryophylli, aut N. M. præmansa. Delicatiores autem secum gerunt cortices aurantiorum, citri, radices helenii, ac similia condita. Et si in publicum Medicus prodit, alterâ manu pomum citri recens, alte-

alterâ nodulum loimicum de Fe-  
bre castr. 192. indigitatum gestet.  
Frequententer etiam nares emun-  
gat, ut, si forte venenum per in-  
spirationem attractum in naribus  
muco adhæreat, hoc modo elimi-  
netur; neque etiam salivam simi-  
liter infectam deglutiat, sed fre-  
quentissime exspuat, necesse est,  
alias ipsum venenum in ore flui-  
tans deglutiretur, unde ventricu-  
li gangræna subsequi posset. Item  
vel pomum citri in casu necessi-  
tatis, vel nodulum in magno fœ-  
tore naribus admoveere debet.  
Anteqvam. ergo ægroti domum  
ingrediatur, prospiciat sedulo, ut  
cubiculum ægroti, ac tota domus  
largiori flamma è ligno juniperi  
aut piceo expurgetur, & si suffi-  
migia superius indigitata accesser-  
int, eò securius quoq; ægro-  
to opem ferre poterit. Non  
tamen svadendum est, ut semper  
Medicus sudorem ac exhalatio-  
nes ab ægroto per respirationem  
vel contactum attrahat, quod plu-

res suo damno experti sunt, explorato enim pulsu sufficit, ut Medicus parum recedat, quo liberiores auras capere possit, & si necessum sit totum corpus intueri, largior semper flamma ac suffimigia alantur, ne venenum pestiferum per respirationem attractum noceat Medico; Si ergo aliquot scalas ascendere debet Medicus, unde respiratio frequentior ac vehementior fit, non statim ad ægrum accedat, ut ei consulat, nisi prius respiratio ac motus cordis ad justam temperiem redigantur; vehementiore enim anhelitu prope ægrotum facile venenum in pulmones reciperetur, ac profundius infingeretur, quod hoc modo facile declinatur. Sunt, qui suffimigationem Nicotianæ laudant, ex quibus Isbrandus Diemerbrock præcipuus est autor, quæ consuetudo tunc temporis satis laudabilis est, modo non in excessu peccetur, ut plurimorum mos est; qui vero Nicotianam ferre non



non possunt, hi manducent cardamomum, caryophyllos, cinamomum, aut aliud aromaticum, quibus saliva copiosius prolici potest. Existimo enim Nicotianæ fumum non specificâ qualitate alexipharmacâ prodesse, sed procurare solummodo salivam, quâ promotâ etiam reliqua lymphæ per ductus lymphaticos in motum secundum naturam concitatur, & quamdiu lymphæ juxta naturam se habet, inde etiam sanitatis certa signa depromuntur. Quotiescunque Medicus se in ædes suas recipit, mox etiam vestimenta sua suffimigiis consuetis corrigat, ne familiares sui hoc veneno nondum correcto, aut ritè subactò, simul inficiantur; Prodest quoque faciem ac manus acetò tepido sæpius lavare, omnia enim acida, sive externè sive internè adhibita prodesse solent. Potest etiam Medicus aliam methodo hîc non expressâ à peste immunis esse, prout cujusvis indoles

E 4 ac

ac consuetudo ad hoc vel illud peragendum illum magis alacrem reddit. Reliqua vide apud Diemerbroccium in sua Vivendi ratione in Peste. Cum pestis causa proxima consistat in sale aliquo acriori volatili ac summè corrosivo, instar Mercurii sublimati aut arsenici, partibus ubicunque infigitur horum acrimonia perniciofa, unde massa sangvinea, tam quoad consistentiam, quam quoad dulcedinem, ac motum maximè pervertitur, ita, ut simul pars sanguinis oleosa quoque valdè exagitetur, ut colliquatio humorum omnimoda subsequatur, spiritusque animales sese simul extricent, ac avolent, quibus omnibus nil aliud subsequi solet, quam totius corporis viventis omnimoda destructio ac mors. Ne autem hæc eveniant,

*Cura  
ipsi.*

Indicatio curatoria eò tendat, ut tam massæ sangvineæ æquabilis consistentia per acida, balsami vitalis autem, seu sulphureæ

reæ partis, ac spirituum animalium penuria per aromatica oleosa reparetur, luxuries autem venenatarum ac volatilium particularum tam per acida figatur, quam per absorbentia fixiora inhibeatur, aut per ossa vel cornua inviscetur. Juxta hanc methodum medendi vera pestis curatio absolvitur, modo Medicus maturè ad ægrum vocetur. Solent quidam mox in principio seu quacunque alteratione percepta vomitorium præscribere, quo existimant per superiora omne venenum attractum expelli posse: Verùm hac operatione ritè perpensâ, judico vomitoria non ita prodesse, ut vulgo creditur, cum, si vehementiora sint, vires inde magnum detrimentum capiant, ad tempus saltem; & cum virium conservatio omnino necessaria sit, ideo in perniciem ipsius ægroti tempus perdere non licet, quod appropriatis alexipharmacis aliàs sat breve est,



non tamen omnia vomitoria hîc  
exclusa volo, imprimis, si certum  
sit, primas vias saburrâ vitioso-  
rum humorum infarctas esse, ac  
corpora robustiora, quibus cum  
fructu securiora remedia vom-  
itoria exhibere licet. Ego vel  
suaferim vitriol. vomitoriũ ad ʒʒ.  
vel Oxyfacchemet, ad ʒʒ. vel quod  
præstantius existimo antimonii  
diaphoret. nitrati ʒj exhibere, su-  
perbibito largiore iusculo, quò  
vomitus eò felicius sequatur; Pro  
vitriolo militant Observationes  
Riverii, pro oxyfaccharo verò i-  
psa experientia, quæ acida semper  
svadet, ac pro securitate remedii  
antimonii diaphor. stant pro-  
priæ Observationes, cum in hac  
dosi emetodiaphoreticum exi-  
stat, plurimorum morborum sat  
efficax alexiterium. Ubi autem  
vomitoria nullum locum habent,  
ut pro iis rariores casus sunt, A-  
lexipharmaca, intercalatis pau-  
cioribus horis, efficaciora exhibe-  
antur, quibus sudorem universa-  
lem

lem procurare studeas, quo semel obtento, de ægri salute certior eris, modo non statim ab hisce remediis desistas; Nullum vero Alexipharmacum præstans est, nisi aliquo acido sit imprægnatum, acida enim hîc utramq; paginam absolvunt, uti superius in prophylaxi quoq; indigitavimus. Quam ob causam nuper Medici Amstelodamenses Sylvio, Barbet-te, ac van der Schagen Aquam prophylacticam in usum vocarunt, quæ nihil aliud est, quam acetum stillatitium particulis aromaticis oleosis imprægnatum. Meo autem judicio præstantiora sunt adhuc Aceta loimica solâ infusione parata, cum non omnia ingredientia per alembicum vehantur, quæ nuda extractione melius conservantur. Descriptionem exhibuimus in Tract de Febr. Castrensi p. 225. quæ pro lubitu potest augeri vel diminui. Neque incongrua, est Aqua bezoardica seu theriacalis tempera-

perata Riverii, itemque Mixtura simplex, vel Paracelsi, vel Dan. Ludovici, spiritu tartari, ac vitrioli acido imprægnata. Addi possunt etiam alii succi acidi, pomi citri nempe, aurantium, berberum, ribesiorum, ceraforum acidorum, rubi Idæi, & similia, imò acetum, ac ipse tartarus vini cum succo aut vino cydoniorum: E Mineralium autem classe comendamus sulphur vivum ejusque flores, salem culinarium ac gêmeum, spiritusque acidos minerales nitri, salis, sulphuris & vitrioli, ut & acetum antimonii, ejusque clyssum sic dictum, & si ejusmodi spiritus acidi minerales austeritate suâ nocere videantur, miscelâ s.v. rectificatissimi per digestionem ac cohobia aliquot mitigantur, ut eò tutius in usum internum vocari possint. Nullum ergo præscribatur alexipharmacum, seu sudoriferum, quin unum ex enarratis acidis contineatur, Solent enim



enim vel aquam prophylacticam, aut acetum bezoardicum, vel citri, berberum, aliorumq; vegetabilium, imò commune acetum largiore dosi addere. Spiritus autem minerales numeratis paucis guttulis ad gratam aciditatem addantur, ne nimia quantitas corrosione sua noceat, quod pariter intelligendū de nitro cum sulphure cremato, cui supparia sunt salia vegetabilium cum ipso sulphure in crystallos redacta. Præ omnibus autem sulphur vitriolatum commendatur. Spiritus vitrioli philosophicus quoque cum fructu potui immiscetur, donec gratum acorem acquirat. Dosis quoque sit efficax, cum repentinam opem acutissimorum morbus desideret, quam ob causam etiam interpositis 6. aut 4. horis iterentur. Interea vero ad rescillandas vires mixturas cardiacas sæpius exhibere convenit, imprimis autem liquida hæc profunt, nisi ea vetet nausea vel vomitus.

mitus, tunc enim sicciora in minori dosi porrigantur, ut sunt condita, rob. conservæ & similia, aciditate omnia scatentia. Dum ergo hæc peraguntur, necesse est, ut cubicula nitida ac clausa sint, tempestate tamen serene aëra per fenestram imittendo puriorem, hyeme autem ignis flammam largiorem semper alas, aut saltem ter interdum largiore flamma omne venenum in cubiculo hærens discutias. Æstate autem hac ipsa ignis flamma vix opus est, modo acetum sæpius affundas in cubiculum, aut rosas, vitis folia, itemque folia nymphææ, vel salicis per humum dispergas. Si sudor ex ægro propelli non possit, sacculos arenâ aut nucleis cerasorû impletos accalefactos alis ac pedibus supponas, aut eorum loco vesicas calidâ repletas, ut sudoreò facilius subsequatur, quod omnino ad huius morbi curationem requiritur. Omnes enim aliæ excretiones ple-

rum-

rumque perniciosæ sunt. Post sudorem tamen non opus est indusia alia induere, recens enim lota summè noxia sunt, teste Diemerbroccio.

In *Dieta* Pestiferorū hæc nota-*Dieta.* tanda sunt, ut juscula vires reficientia parentur, consummata sic dicta. Præstantissimū tamen hoc modo paretur.

Rç. Gallinam, aut pullum carnosum, vel caponem juvenem deplumem, ac interaneis bene mundatum, ac aceto aut vino lotum; Dein

Conscindatur ac contundatur una cum ossibus in minutas partes, addendo de crure ac hepate vitulino partem aliquotam, & si adsint perdices, coturnices & alaudæ, mundatas, priusque contusas hisce adde; Dein exprime succum è pomis citri recentibus 6. ac commisce illum cum hisce carnibus, parum de corticum flavedine addendo, quibus & pauxillum de maci addatur, itemqve de cinamomo, si placebit. Omnia coquantur in lagena bene obturata, incaldario aquâ repleto, à 4. ad 6. horas, postea per linteum trajiciatur, ac probè ex-  
prima-



primatur, pinguedinem postquam refrigererit, desuper auferendo.

De hac Gelatina, quotiescunque jusculum adhibeatur, unum vel alterum cochlear admisceri poterit. Profunt quoque juscula hordeacea, ut & cremor hordei aceto aut succo citri imprægnatus, Potus quoque conficiatur è pomis citriis. Pauperiores autem poscam bibant, itemque Inlepi refrigerantes è syrupis acidis haud aspernendi, & si febris nulla animadvertatur, de vino interdum unum aut alterum cochlear instar aquæ cordialis exhiberi poterit. Sedulo sibi ab aëre exteriori caveant ægroti, ne, hoc incautius admissò, diaphoresis præpediatur, ac virus introrsum pellatur, & si alvus per aliquot dies adstricta sit, pilulis Ruffi solvatur, clysteribus omninò neglectis, cum faciliè diarrhœam exitialem accersant. Venæsectionem ac Purgationes in Curatione Pestis omninò

nò damnamus , vesicatoria quoque raro adhibemus , nisi instar ruptorii iis uti velis ad bubones maturandos. Pestis Præsidia peti licet ex Diemerbroccio, Barbette, Giselero, Sylvio, quibus & Cardilucii Tract. de Peste adjungatur, hi enim tanquam oculati testes præ alis consulendi sunt. Quemadmodum autem in Curatione Febr. malignarum paulò negligentiores fuimus in cõmiscendis acidis inter Alexipharmaca, eò, quod tam necessaria tùm non æstimentur, licet intertexta acida & illic laudem mereantur, nihilominus tamen in nulla peste formula excogitetur, quin acido imprægnata sit, ex iis subjectis igitur depromenda, quæ satis commendavimus. Si enim accuratiores Practicos examinamus, semper eos acida in usum vocasse comperiemur. Qui ergo soli theriacæ, electuario de ovo, ovietano, pulveri Pannoniuo, bezoardico Sennerti, ac similibus fidem suam

F

dant,

dant, cum damno postliminio observabunt debilitatem horum remedium, nisi acidis sociata fuerint, & licet ob virtutem aromaticam ac balsamicam, ut & absorbendi vim, spiritibus animalibus proficua sint, nihil secius tamen ad invertendum venenum pestiferum, vel, si mavis, expellendum, admodum inefficacia deprehenduntur, nisi consortium acidorum accedat. In sale ergo, sulphure ac acido, ut & in pice, aliisque resinosis, omnis alexipharmaca vis reposita est, de quibus consulatur Helmontius in Tumulo pestis, cujus hypothese omnes meliores Practici, si non aperte, saltem facile, assensum præbent, cum præter salem & acetum nil sit, quod putredini magis resistat, quibus, si placet, picem cum omnibus oleosis ac aromaticis adjungere licet. Ne vero aromaticorum oleosorum luxuries noceat, acidis, aut aceto infringi poterit.


In



In Curatione Symptomata *Symptomata.*  
Pestis eâdem methodo in  
plerisque est procedendum, sicuti in Febrium castr. curatione tradidimus. In opiatorum tamen usu singularis circumspectio tenenda, ne iisdem largiùs exhibitis vel lethargum, vel soporem lethalem accersamus, ex adverso autem, si vel vigiliæ, vel convulsiones, dolores quicunque, fluxusque colliqvativi eorundem usum expostulent, per breviora intervalla largiori dosi exhibeantur. Opem hic insignem præstaret opii extractum cum aceto stillatitio paratû, de quo Wedelius in Opilogia consulendus. Ex præcipuis, ac peculiaribus Pestis symptomatibus sunt bubones, parotides, carbunculi, ac exanthemata. Quoad Bubones, ea hic repetere licet, quæ Tr. de Febr. Castr. 339. seqv. peculiari Capite de Bubonibus dicta sunt, addendo ea, quæ commendavit Sylvius peculiari Tract. de Peste: De Carbunculis itidem e-

F 2                      gimus

egimus ibidem, quibus Praxin Diemerbroccii ac Sylvii addas, qui ad mortificandum carbunculum butyro antimon. nil excellentius reperiit. Exanthemata, præter alexipharmaca interna, nil aliud poscunt. Hæc ergo sunt, quæ de Peste in medium proferre constituimus, solertem Practicum ad prædictos laudatos Autores ablegando, eorundem enim vestigiis insistendo vix à recto tramite aberrabit.



## DE FEBRIBUS PESTILENTIALIBUS.



Vi de Peste diffusius scripsere, etiam hanc Febrim pestilentem sub illa comprehenderunt, alii autem hunc affectum inter febres malignas à peste diversas reposuerunt, hoc tamen obser-

observatione dignum est, pestilentem febrim ab ipsa peste solummodo gradu differre. In Peste enim exterius non semper febris animatvertitur, cum in febris pestilenti magni adhuc æstus conjuncti sint, neq; tam cito, sicuti pestis, hominem è medio tollat, cum etiam ultra triduum, quatrimum, 6. 9, vel plures dies, morbus protrahatur, dum ipsa pestis brevius hominem conficere solet, licet propter symptomata quædam æger diu lecto affigatur: Hæ tamen distinctiones in ipsa curatione parvi momenti sunt, & qui ipsi pesti ritè obviam ibit, æqvè feliciter & febris medebitur, modo hoc saltem observet, ne, intensiori febre subsistente, vinum largius assumatur, quod in ipsa peste quoq; quandoque instar cardiaci potus est, modo forbillatim hauriatur. Cum ergo in febris pestilentiali tota massa sanguinea prius omninò in putrilaginem abierit, ita, ut oleosa pars sanguinis, una cum lymphâ, ita resoluta sit, ac ope digestionis & putrefactionis in virulentia ita exaltata, ut inde facile solida corporis consistentia eodem putrore inquinetur, unde etiam gangræna & sphacelus leviter inde accersuntur: Veteres, in hanc usque ætatem alii etiam Medici existimarunt, causam proximam hujus af-



fectus esse venenum aliquod occultum, in quo investigando homini acumen ingenii deficiat, modo causas morales, modo astra, eorumq; diversos aspectus accusantes. Verum Philosophus ac Medicus hisce haud acquiescere potest, dum meo quidem iudicio causa hæc satis patet ex pernici ejus effectu, modo intra cancellos permaneat. Intellectu enim haud difficile est, post magnas clades, calamitates invasitas, annonæ caritatem, immodicas tempestates, fructus non benè maturos, & inde parata edulia, imo perversam victus rationem, humores in corpore humano omnino perverti posse, ut, si habitacula simul aëre squalido scateant, ac alias ambiens aër ob quascunq; causas fracidus sit, sensim ope fermentationis in suo putrore exaltentur.

*Signa  
diagn.  
& progn.*

Signa diræ hujus luis propter effectus subitaneos satis patent, & inde prognosin sumere licet: Quo magis enim vires constant, eò magis spes salutis elucescit. In omnimoda autem virium resolutione, nisi mox crisis subsequatur, sive per sudores, sive per abscessus, aut bubones aut parotides, exigua spes superest.

*Cura.*

Quamobrem, haud in longum protracto remedio, mox largiorem dosin alexiphar-

pharmaci exhibeas, etiam breviori intervallo iterandam, & si inde effectus subsequatur cum levamine, de ægri salute certiores erim9, modo aër externus frigidus arceatur. In feбри hac pestilenti cum propter æstum etiam sitis urgeat, julepos refrigerantes acidos tanquam excellens remedium, largioribus haustibus propina, & si propter pauperiem nil aliud in promptu sit, sola posca defectum juleporum supplebit, id quod remedii genus apud Romanos in usu fuit, unde consuetudo erat, ut omnes milites acetum cum 2. aut 3. partib9 aquæ mistum secum portarent, oxycratum Græcis dictum. Mansum pomum citri tam prophylacticum, quam curatorium est remedium, & si felicius velis in hunc morbum triumphum agere, nullum alexipharmacum exhibeatur, nisi aceto, aut sale conspersum sit, cum hæc contra omnem putredinem præstantissima sint, largior enim salis usus hujus morbi causas antecedentes corrigit, ac per debita loca expellit, nec tam facile fiunt obstructions à cruditatibus ortæ, si sal non negligitur in cibis, sic neque venenum hoc putrilagineum altas radices acquirit, si acetum aut alia acida cardiaca frequentius assumantur. Sunt, qui fonticulos, aut alia procurata ulcuscula, tanquam egregium prophyl-

phylacticum commendant, quorum fidem hinc elevare animus non est, concedo enim posse per has vias humorem excrementitium exstillare, attamen unico huic remedio non insisterem, nisi laudabilis diata à tempore contagionis, & usus eorum, quibus putror arcetur, accedat, ut fusius tractatum est cap. anteced. Purgationes ac V. S. cum in mitioribus malignis perniciosæ sint, hinc quoque omnino damnantur. Febrium harum symptomatis hic occurrendum, ut in aliis hujusmodi affectibus malignis.

---

### Errata.

*Pag. Lin.*

1. 13. pro præstandis. lege præstant.

4. 3. p. Lintil. l. Len-

6. 19. p. Pharmacia l. Medicina.

12. 18. p. exhibet l. exhibeat.

20. p. mgais l. mag-

13. 13. p. Illius l. Illius.

19. 9. p. Bezoardiar. l. Bezoardicor.

ult. p. contra intra indicantes l.

contraindic.

36. 16. p. acciderint l. accesserint.

*Pag. Lin.*

37. 11. p. hujusmodi l. animi.

46. 19. dele ira.

51. 10. p. morbus l. bos

54. 9. p. deliquiæ l. quia

55. 18. p. gravissimè l. gravissimi.

57. 2. p. mius l. minus.

71. 5. p. ubicunq; leg. ubique.


74. 9. p. 38 l. unc. 8.

77. 14. p. sulphur. l. nitrum,

Cætera prætermissa C.

L. ipse benevolè corrigat.





a page





